

## Održan sastanak sa Ambasadoricom Kraljevine Švedske u BiH

16.01.2024 18:57



U prostorijama Ambasade Kraljevine Švedske u Sarajevu je 16.01.2024.godine održan sastanak predstavnika Federalne uprave za geodetske i imovinsko-pravne poslove (FGU), predstavnika uprave za geodetske i imovinsko-pravne poslove Republike Srpske (RS) i predstavnika Švedske vlade, ambasadorice Kraljevine Švedske u BiH Njene Ekselencije Helene Lagerlöf, te voditeljice razvojne saradnje (Sida) gđe Eve Smedberg.

Na sastanku su u ime FGU učestvovali direktor Željko Obradović i pomoćnik direktora Denis Tabučić.

Centralne teme razgovora obuhvatile su odobrenje Početnog izvještaja DELEF projekta, s posebnim

naglaskom na njegovu implementaciju i značaj za građane Bosne i Hercegovine. Tokom susreta su razmatrane i perspektive budućeg projekta Svjetske Banke, s naglaskom na njegovu usklađenost i komplementarnost sa Švedskim projektom izgradnje kapaciteta.

Predstavnici institucija iz Bosne i Hercegovine su izrazili zahvalnost za podršku i radost zbog nastavka podrške i buduće saradnje, a svi prisutni optimizam i otvorenost za daljnje susrete i saradnju na projektima od zajedničkog interesa.